



Inatsisartunut Ilaasortaq Harald Bianco, Inuit Ataqtigiit
Inatsisartut Allattoqarfiat
inatsisartut@ina.alla.gl

Tasiilap pilersorneqarnera pillugu § 37 naapertorlugu apeqquteqaammut 2023-143-imut akissut

Asasara Harald Bianco

Inatsisartut suleriaasianni § 37 naapertorlugu Tasiilap pilersorneqarnera pillugu Naalakkersuisunut apeqquteqaateqarputit. Royal Arctic Line akisussaassuseqarfigigakku apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

24-10-2023
Sags nr.: 2023-24863
ID. nr. 89274647

Apeqqut 1: Nutaasumik umiarsuakkut Tasiilamut pilersuineq Naalakkersuisut qanoq malinnaavigitigaat?

Akissut: Royal Arctic Linep angalanermut pilersaarutaa pingaarneq Naalakkersuisunit akuerineqartarpoq, tamannalu novembarimi pissasoq naatsorsuutaavoq.

Postboks 909
3900 Nuuk

Tlf.: (+299) 34 50 00
E-mail: box909@nanoq.gl
www.naalakkersuisut.gl

Angalanermut pilersaarutit pingaarnerup akuerineqarneranut atatillugu, Royal Arctic Linep ingerlatsinerani sinaakkutaasut piumasaqaataasullu iluini innuttaasut pisariaqartitaat qanoq pitsaanerpaamik naammassineqarsinnaassanersut Royal Arctic Line oqaloqatigineqartarpoq.

Apeqqut 2: Pilersuineq nutaaq naammaginarsimangippat, Naalakkersuisut pitsanngorsaatisamik takorluugaqarpat?

Akissut: Kisermaassinissamik akuersissummi aalajangersakkat innersuussutigalugit, angalanermut pilersaarut nutaaq kiffartuussinermut equilluni annertuumik allannguuteqarpat Naalakkersuisut itigartissinnaavaat.

Nunaqarfiit aamma isorliunerusut kiisalu Tunup pilersorneqarnerisa pitsanngorsaavigineqarnissaanut periarfissat pillugit Naalakkersuisut Royal Arctic Linelu oqaloqatigiipput.

Naalakkersuisut aamma Royal Arctic Linep akornanni kisermaassinissamik isumaqatigiissut, Naalakkersuisut nittartagaanni atuarneqarsinnaavoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen